



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



381.3

Nee



*Munificentia*

*A. H. Sayce*

*Socii.*

*435. A. 21.*





305613352S

40 p +

148.


Presented to the Griffith Library  
by the Queen's College,  
1939.

01





DE INSCRIPTIONE  
QUADAM  
ÆGYPTIACA  
TAURINI INVENTA  
ET CHARACTERIBUS ÆGYPTIIS OLIM  
ET SINIS COMMUNIBUS EXARATA  
IDOLO CUIDAM ANTIQUO  
IN REGIA UNIVERSITATE SERVATO  
AD UTRASQUE ACADEMIAS  
LONDINENSEM  
ET  
PARISIENSEM  
RERUM ANTIQUARUM INVESTIGATIONI  
ET STUDIO PRÆPOSITAS  
DATA EPISTOLA



ROMÆ MDCCLXI.  
EX TYPOGRAPHIA PALLADIS  

---

TYPIS NICOLAI, ET MARCI PALEARINI  
PUBLICA AUCTORITATE





CELSISSIMO REGIOQUE PRINCIPI  
VICTORI AMADEO

DVCI SABAVDIAE &c. &c. &c.

NOVO GERMANICO

DELICIIIS POPVLI SVI

AEGYPTIACAE ANTIQVITATIS STVDIVM

MISSIS, VT EIVS DESIDERIO SATISFIERET,

A REGE IN ORIENTEM INDAGATORIBVS

BENEVOLENTIA VERE EXIMIA ET SINGVLARI

IAM PROMOVENTI

INSCRIPTIONIS AEGYPTIACAE

TAVRINI IN MVSEO REGIO SERVATAE

INTERPRETATIONEM

ET

INVESTIGATIONES

SVPER EA FACTAS


D. D. D.

HVMILLIMVS, ET OBSEQUENTISSIMVS SERVVS

TVRBERVILLVS NEEDHAM

EX SOCIETATE REGIA

LONDINENSI





CELEBERRIMIS  
ACADEMIIS  
LONDINENSI, ET PARISIENSI  
RERUM ANTIQUARUM  
INDAGATIONI, ET STUDIO PRÆPOSITIS

---

ILLUSTRISSIMI ACADEMICI



NIMUM mihi non parum  
commovit nuperrima,  
præfatio operi, quod jam  
jam in lucem prodiit  
præfixa<sup>1</sup>. Quis non indignaretur  
rem tanti momenti facetiis, nullius  
penè saporis, scurrarum, & mimo-  
rum more tractari. Mendaciis Si-  
nensium a nobis longo maris, ter-  
ræque tractu diffistorum per fas, &  
nefas utcumque litandum est, ut  
proteratur Sacrorum Codicum au-  
ctoritas, & historia fabulosa pror-  
fus,

A 3

fus,

---

<sup>1</sup> *Histoire de Pierre le grand Empereur de Russie.*

## 6 DE INSCRIPTIONE

fus, vel ipsis Sinensibus fatentibus, ubi agitur de illius Imperii principio, & antiquitate, observationibus astronomicis, ipsum anteuntibus diluvium, muniri falso dicitur, cum prima ab ipsis Sinensibus eclypsis designata coæva solum sit circa circiter vocationi Abraham. Qui contra sentit, imbecillitatis illi nota inuritur, miserum aliquod in triuis plebi disperditur carmen, vanitatis arguitur, & dicteriis impetitur, quorum in dies erumpens ad nauseam usque crescit multitudo; nec solus Scurra Pantolabus, irrisoribus scatet Europa, ut locustis Asia, & scomma pro omni argumento est; peccatum non infrequens hoc, ne dicam Sæculi, quantumvis fastuosè incedat, & philosophiam prætexet turba hominum ratione furens, & mentem pasta deliriis. Luditur in nomine, dicteriis, & epigrammatibus res agitur, Salus Populi,

ÆGYPTIACA EPIST. 7

puli, suprema lex, Pharmacopolis, Mimis, Nepotibus dijudicanda, & definienda traditur, omne breve dictum sale aliquo conditum pro oraculo est, ipsaque Religio condemnatur more insolito, quo non cuperet vel absolvi. Cæterum si vapor sit horum Virorum halitus, qui scientiam sibi arrogant universalem, flores, & fructus nobilissimos rubigine inficiens, melius sanè omninò erit pauca rectè, & firmiter scire, quam multa fatalibus mixta erroribus. Veritati tam indignè, & indecenter obrutæ aliquatenus succurrendum duxi, manusque porrigendas Viris, qui tam benè de republica literaria meriti fuerant; indicasse sufficiat, sat Orbi litterario & ipsi, & quem habent in hac re Adversarium, noti sunt. Arma undique conquiriti occurrit Taurini Inscriptio ignoti prorsus generis fronti, naso, ge-

## 8 DE INSCRIPTIONE

nis, mammellisq̃ue Simulacri cujusdam ex marmore nigro confecti exarata, quod verè Ægyptiacum marmoris species, capitis ornamenta, sculpturæ stylus, frons, facies, & pectus caracteribus exarata, totius denique figuræ compta quædam simplicitas, & elegantia declaravere, quam & *Isidem* diu denominaverant illius gentis Antiquarii. Inscriptionem sæpius videram annis ab hinc decem, sed non hisce oculis; oculorum aciem simul & exquirendi vim mihi acuerat Diccis famam tam infæliciter captantem indignato præfatus Auctor. Hanc inscriptionem sedulo in chartam transferendam duxi, simul & simulacri imaginem delineandam curavi. Me movit postquam paululum in hac investigatione procefferim, non sola characterum inspectio, quos intento animo sæpius consideravi, quique quam proximè



mè quorumdam characterum Sinen-  
sium , quos olim videram , simili-  
tudinem , ac speciem referebant ,  
sed & illorum ordo , dispositio , &  
ab invicem disjunctio . Hinc facile  
colligebam unumquemque verbi  
vim habere separatim ad morem Si-  
nensium . In Scripturis Alphabeti-  
cis multi characteres ad unam vo-  
cem formandam simul coeunt , &  
recurrat sæpius ejusdem characteris  
combinata repetitio ; hic nulla talis  
combinatio , nulla nisi duorum ex  
omnibus characterum repetitio , qui  
& disjunctim a cæteris prorsus sta-  
bant . Gnosticis verò Basilidianis , &  
Valentinianis hæreticis , qui in astro-  
logicis olim tam pueriliter lufere ,  
hos characteres attribuere , & scal-  
pelli perfectio , & operis compta ele-  
gantia ab illorum temporum artifi-  
cio longè diversa prohibuere . Huc  
accessere observationes super hac  
re tam feliciter simul , & ingenio-  
se

se a fumini viris Dominis de Guignes , de Barthelemy , & de Smidt jamdudum institutæ . Hi facem investigationi huic omnino prætulere , nec sine illis in mentem mihi incidisset forsan vel minima hujus rei suspicio . Hoc fateri non erubesco , quicquid dixerit cui horum Academicorum industria , & in observando vis despectui est ; nec enim omnibus datum est sentire omnis generis argumentorum vim , nec noverunt hi homines maximi momenti investigationibus præluxisse sæpenumero observationes tantæ , ut ita dicam , subtilitatis , ut oculorum aciem , si paulo sit hebetior , vel plane effugiant , vel organi diminutæ vitio debiliter satis afficiant .

Cæterum quod me magis immediate tunc temporis Taurini affecit , & in hanc injecit suspicionem directè , simul & in disquisitione

**ÆGYPTIACA EPIST. II**

tionem , quam institui , inspectio  
fuit nuperrima duorum volumi-  
num , quæ antiquitatum Hercula-  
narum descriptionem continebant.  
Tot picturæ simul in unum intui-  
tum coacervatæ Architecturam  
omni modo variatam , & orna-  
menta diverſi generis ex Ægypto  
derivata referentes , quæ ſtylum  
eodem tempore Sinenſem planè re-  
doluere , intimam illarum Gen-  
tium unionem , & commune ſo-  
cietatis vinculum , vel colonia fa-  
cta ab una ad alteram regionem ,  
vel unitis commercio Nationibus  
ad oculum demonſtravere . Percur-  
rat hoc intuitu candidus quicum-  
que ſimul & oculatus Judex , ſe-  
cumque videat , ſi caſu tanta re-  
rum , & ſtyli ſimilitudo accidere  
potuerit . His adijciat multa alia  
ad rem pertinentia ex variis Au-  
ctoribus colligenda , qui artium ,  
& ſcientiarum originem ſcrutinio  
fatis

## 12 DE INSCRIPTIONE

fatis exacto subjecere , & nominatim , ut multa alia omittam , artem antiquissimam chartam ex papyro , qui cannæ genus est , conficiendi , quæ usque hodie apud Sinas viget .

Per litteras igitur ad Civitates Pekini , vel Quantong datas questionem , quam mihi proposueram , unice resolvendam speraveram , simul & transmittendam quantocyus statueram ; rem tanti momenti Romæ resolvi posse non occurrit vel minima suspicio . Interim mihi gratulor , quod non profunde nimis in his rebus versatus fuerim , simul quod & hæc studia satis ingrata solum pro re nata amplexus fuerim , aliis mihi potioribus magis semper intentus ; etenim si plus justo forsitan sapuissem , e puteo , quo jacebat obruta , non prodiiisset veritas . Ecce mihi oblata super hac re sententia Antiquarii cuius-

jusdam , ad omnia parati , & cui aliquid aliquando ignorare pudori forsitan est : *La figura è di bassi tempi appartenente agl' errori de' Gnostici , e Valentiniani ; i caratteri sono arbitrarij , e de' medesimi tempi ; i Chinesi antichi , e moderni non hanno caratteri di figure composte ; li Egizj non hanno mai formata Deità in questa maniera : Hoc nodum est illico Alexandri more solvere , & si in omne mysterium simul paratus quaestiones hujusce generis ex tempore , & sine studio resolvendi in me munus suscepissem , forsitan huic oraculo vel acquievissem , vel ex penu meo aliquid non absimile statim deprompsissem . Ignorantia mea in multis mihi satis nota , & naturalis quædam diffidentia inquisitioni ulteriori locum præbuit . Fors mihi obtulit Sinensem Pekino natum , in Bibliotheca Vaticana libris , & manuscriptis Sinensibus præpositum*  
 huic

#### 14 DE INSCRIPTIONE

<sup>1</sup> huic inscriptionem statim Romam adveniens exhibui , sed nihil prorsus aspectu primo intellexit, quippe cui recentiores solum suæ Gentis characteres familiares fuerant ; interrogabam , an & veteres priorum temporum scriptores, quorum magna apud Sinenses Litteratos copia est , iisdem ac recentiores characteribus usi fuissent, respondit, alios omnino a recentioribus aliis temporibus characteres in usu fuisse , qui in lexicis ad hoc institutis quærendæ essent , ut apud nos obsoleta verba, & inscriptionem secum domi retulit maturius examinandam . Post aliquot dies regressus duodecim mihi Characteres Simulacro Taurinensi insculptos ex toto n<sup>o</sup> mero extractos cum interpretatione latina retulit , quos invenerat in lexico Sinico

---

<sup>1</sup> Josephus Lucius Vû in Bibliotheca Vaticana Scriptor Sinensis , & Codicibus Sinensibus tam manuscriptis , quam exaratis præpositus.

**ÆGYPTIACA EPIST. 15**

Sinico satis amplo viginti sex volumina complectente, quod tempore Kang-hi Imperatoris versus finem posterioris sæculi Pekino exaratum fuit, & donatum Bibliothecæ Vaticanæ ab Eminentissimo Cardinale Davia jam defuncto.

Si cui desiderium sit inquirendi quo modo linguæ Sinenſi, quæ characteribus totidem verba diſ-junctim ſignificantibus, non litterarum Alphabeticarum combinatione exprimitur, fabricari & inſtitui poterit Lexicon, noverit ordinem characterum ex numero linearum, quibus quiſque conſtat, deſumi a maxime ſimplicibus ad magis compoſitos ſenſim procedendo.

Hoc ſucceſſu quantumvis elatus non ſtatim cauſam duxi finitam; adhibendi erant teſtes oculati orbi litterario bene noti, & comparandi quam exactiſſime characteres,



## 16 DE INSCRIPTIONE

res singuli cum singulis , tam hi quos exhibet Inscriptio Ægyptiaca , quam illi prorsus iidem , quos invenerat Interpres Sinensis in lexico Sinico . Nulli magis noti , quam R. P. Jacquier ex Ordine Minimorum cujus commentaria in Newtoni principia toti Orbi innotescunt , & doctissimus suæ Sanctitatis CLEMENTIS XIII. antiquarius Dominus Venuti . Hisce postea meis præcibus se adjunxit pro summa sua humanitate Dominus Wilcocks Anglus vir probatæ eruditionis simul , & ingenii , qui hanc investigationem totis viribus promovit , & mihi magno adjumento fuit . Res votis plane successit , & characteres hi duodecim hinc illic comparati , singuli cum singulis , iidem prorsus utrobique in apertam prodire lucem . Quod autem ad interpretationem attinet , hæc characteribus recentioribus in Lexico simul appositis,

pōsitis , ut nobis ajebat Interpres , & synonymis , quibus jam utitur natio Sinensis , ipso Interprete sensum præbente innotuit. Satisfactum planè nobis erat , & ulterius procedendum in hoc scrutinio decrevimus , non sine plena spe omnes alios similiter characteres , quibus constabat Inscriptio , industria adhibita , & improbi laboris vi inveniendi ; tres vel quatuor dies alii nos voti compotes reddidere : ad Bibliothecam Vaticanam regressis cæteros omnes characteres , quos paginis simul , & lineis , codicibusque designatis in chartâ antea notaverat , monstravit in eodem Dictionario Interpres Sinensis , & sensum simul totius Inscriptiois Ægyptiacæ reddidit .

Novi credulitatem in multis , in aliis incredulitatem eorundem hominum ; in fabulas , quas ex suo penu deprompsere , sæpè prorsus pueriles

## 18 DE INSCRIPTIONE

riles proni , veritates arduas rejiciunt , invias non sapiunt , nec peccatum hoc indoctorum solum , imò docti suis præjudiciis non carent , nec erroribus , quos avidè amplectuntur , & sovent ; hæc præjudicia tollit , vel diminuit disciplina philosophica , si suis limitibus contineatur , sed rarò nos ab omnibus eximit ; *Iliacos intra muros peccatur & extra* . Si verò , ut sæpenumero fit hodie , qui his studiis dediti sunt *in contraria currant* , non Philosophos hos , nequidem homines nominaverim :

*Hostem dum fugere , se Fannius  
ipse peremit*

*Dic mihi quis furor est ne mori  
riare mori ?* Martial.

ideo testes in hac re adhibui , viros bene notos , & fide dignissimos , quorum testimonium recusari nequit , & hi nomina sua appo-

posuere ; paginas insuper , & tomos Dictionarii Sinici singulos exhibentes characteres indicavi in tabula , quæ simulacrum Ægyptiacum cum inscriptione sua delineatum repræsentat ; In promptu apud Bibliothecam Vaticanam toti orbi litterario apertam ipsum Lexicon est , & quamvis paginæ linguæ Sinica numerentur , quam communiter Europæi ignorant , tamen tomis in margine codicum romano more numeratis , cum unusquisque codex non multa contineat folia , facilis est labor , si quis incredulus hoc velit , paginam indicatam in tabula sine Sinensi Interprete investigare . Character quælitus inter multos alios , quos exhibet folium , oculo intento , & lineatim paginam percurrenti , cum unusquisque character separatim stet a suo vicino sat diffitus , æque faciliter se prodit ; potest verò hoc lexicon

## 20 DE INSCRIPTIONE

in usum etiam Europæorum facile redigi; ab autographo enim a sinensi interprete facto, in quo latinam unicuique characteri Sinensi interpretationem apponere licet, non multo labore, nec multis impensis exarari poterint in ligno tabulæ ad morem Sinensium, & multa inde exemplaria in publicum usum dari. Viginti sex volumina, seu codices continet hoc opus, sed tenues satis, & non plures forsan in unoquoque volumine, quam centum circiter folia. Sine Sinensi Interprete in statu præsentis nullius plane est nobis usus; hoc vero si fiat, publici juris erit, & omnibus, quæ supersunt Ægyptiorum monumentis applicabile; sed de his satis vel sceptico pertinacissimo; pauca de Inscriptione ipsa, & interpretatione apposita percurrere libet. Simplicem vero narrationem pro præsentis

fenti tempore instituere volens, hujus investigationis momentum, omni alia inquisitione amota, cæterisque pene intactis, quæ ad rem pertinent, doctis Europæ Antiquariis, Vobis ante omnes alios, illustres Academici, quo debite ponderetur, relinquendum censeo.

Maxime igitur notatione dignum arbitror, quod & omnem hominem, ad quem hæc scripta perveniunt, ut diligenter secum perpendat, moneo, alterius omnino naturæ esse, & diversi plane momenti investigationem characterum prædictorum, qui hoc Lexico Sinico probantur olim Ægyptiis simul & Sinensibus communes fuisse, ab ipsorum interpretatione apposita. Ab hac veritate unicè pendet controversia seposita plane; utcumque hæc se res habere poterit, interpretationis fidelitate. Investigatio characterum, sive

## 22 DE INSCRIPTIONE

comparatio facta, ut eisdem planè utrinque fuisse constaret, plurimorum oculato testimonio gaudet, & omnibus omni tempore methodo a me jam proposita innotescere poterit. Explicatio vero Inscriptionis Ægyptiacæ, quam apposui, ab unius Sinensis Interpretis auctoritate pendet, cum lingua Sinica nec mihi, nec meis amicis, qui simul mecum in hoc scrutinio collaboravere, nota sit; nec mei interest si hujusce hominis utcumque fide digni rejiciatur in hac re testimonium; mihi sufficit, & omni alii cuius veritatem serio indaganti characteres Inscriptionis prædictæ omnes in Lexico Sinico cum jam nominatis testibus invenisse, & vidisse tales prorsus sine vel minimo dubio hinc & illinc exaratos. Causa finita est, nec ullus dubitabit Ægyptios olim, & Sinenses communi societatis



tatis vinculo obstrictos fuisse , si non & communi gaudeant origine , & una natio non sit furculus excisus ab altera . Soli hominum curiositati litavi igitur investigata sedulo simul , & in publicum data litterali prorsus , quam apponi volui , characterum Ægyptiacorum interpretatione latina cum characteribus Sinensium recentioribus , & synonymis .

Nec male inferat exinde quis me vel minimum dubitare de fidelitate Interpretis ; quod me hoc modo contra litigiosos prævenerim , rem paucis accipite . Maxima apud plurimos Sinensium auctoritas est , ipsaque Scriptura & communi aliarum gentium traditione veraciores volunt , qui æternitati Mundi cum Aristotile , vel ignotæ saltem origini famulantur , & Sacri Codices , ut despectui sint vehementer satagunt ; interesse ta-

24 DE INSCRIPTIONE

men poterit aliquando eorundem, qui non solum in nullius magistri, sed nec in sua verba jurant, Sinenses cum Ansono nostro inter homines, & flagitiosissimos, & mendacissimos tanquam nulla fide dignos depingere, si erroribus suis, quos omni modo fovent, obistere vel minimum deprehendantur.

*Quo teneam vultus mutantem*

*Protea nodo?*

Ideo Sinensis Interpretis causam a mea omnino separatam volui, ideo & illius testimonium ab aliorum testium auctoritate in hac lite irrefragabili caute ut sepositum sit exigo. Cæterum de Interpretis veracitate, & interpretationis fidelitate nullus dubito, imo & ut hoc mihi persuadeam, multæ simul rationes satis fortes concurrunt.

Simulacrum, de quo hic agitur, nec viderat unquam, nec de materia illius quidquam noverat, imo  
nec

**ÆGYPTIACA EPIST. 25**

nec de forma ; aliud , quam quod minuscula super chartam delineatione non adumbrata apparuit ; interpretatione tamen ab illo data innotuit illico & lapidis , ex quo confectum erat species , & color , mensura insuper Statuæ prototypi , unde desumptum erat , quæ scilicet exactè correspondet latitudini frontis in ectypo , quantum solo intuitu mihi judicare fas est .

Rursus , historiæ Ægyptiacæ , & rerum antiquarum expertus planè erat , ut mihi satis constabat , nec hujus controversiæ inter doctos natæ de suæ Gentis origine ullam , vel minimam suspensionem habebat ; at tamen restantibus adhuc tribus characteribus simul cum aliis in Lexico Sinico inventis , quorum nullum sensum reddere valebat , quosque nomen proprium alicujus personæ referre suspicabatur , cum sonum ab ipso horum characterum quærerem ,

## 26 DE INSCRIPTIONE

rem , prodiit nomen plane Ægyptiacum *Shi-Son-Chi* ; cujus ultima syllaba *Chi* ad morem *C* italorum pronuncianda est .

Insuper , ut ipsius peritia saltem in characteribus Sinensium recentioribus , quod necessarium plane interpretationi erat , innotesceret , columnam synonymorum ad hodiernam illius Gentis normam apponi antiquis characteribus ab ipso volui , quod & illico currente calamo fecit ; & si parum utilitatis inde mihi & lectoribus ultra proveniat , saltem hoc lucro fuit , quod character antiquus naso Simulacri exaratus , qui numerum *I*. exprimit , omnino idem sit cum characterē recentiori , cujus extat adhuc usus apud Sinenses ; nec multum differt character antiquus Ægyptiacus , quo exprimitur numerus *9*. a recentiori Sinensi . Hoc notatione dignissimum est non solum ,  
quod

quod confirmet cum aliis commune societatis vinculum, quo Sinenſes olim & Ægyptii obſtricti erant, verum & characterum tam Sinenſium, quam Ægyptiacorum a ſignis Symbolicis derivationem, ut extenderetur magis, & perficeretur hoc primum ſcripturæ genus, demonſtret; *Sagitta* quippe, quam character hic reſert inter ſigna ſymbolica non infrequens eſt, & *Serpens* ſive character ſerpentinus, quo exprimuntur in inſcriptione Taurinenſi *ſimilitudo*, ſive *identitas*, vere ſignum ſymbolicum eſt duodecies ad minimum exaratum Obeliſco magno, qui dicitur Seſoſtris, & fuit Auguſti Cæſaris olim in Campo Martio erectus, nunc Romæ jacens; multoties vero videri poterit idem ſignum ſuper alia monumenta Ægyptiaca. Hoc ad cognitionem characterum, & ſymbolorum demonſtrandam plane ſufficit,

cit, illudque scripturæ genus probat non esse nisi hujus extensionem.

Verum ut ad Inscriptionem ipsam convertamus animum; ex illa satis constat hoc simulacrum, cujuscumque sit, ectypon esse alicujus statuæ primitivæ, cujus frontem, faciem, oculos, personam, & mensuram eadem describit Inscriptio; Facies vero & oculi adscititii sine dubio erant, ex alia quadam materia formati, cum corpus, vel substantia statuæ dicitur esse marmoris nigri ejusdem generis, ac marmor, ex quo conficitur ectypon. Nec hoc apud antiquos, etiam quoad oculos, insolitum erat, multæ adhuc comparent hodie statuæ quibus oculi gemmei, vel vitrei olim inferebantur, aliæ quorum facies, & voluta, qua circumvestiuntur, diversa ab illa aliarum partium materia constat.

Na-

Numerus I. inscriptus naso ordinem inter multa simulachra indicare videtur ; hæc igitur Dea , sive in templo aliquo , sive in alicujus Principis palatio primum locum tenuit . Aliquid huic simile videre est in villa Negroni Romæ , ubi basi statuæ truncæ inscribitur græcè nomen Themistoclis , quod precedit numerus Romanus I. , exaratus forsan jussu Domini , cujus erat ; postquam Romæ advenerat .

Nec Ægyptiacum quis malè cautus , ubi nihil opus est , dubitet hoc Idolum , nec Sinenſe suspicetur . Ægyptiacum planè demonstrat marmoris species non perfectè nigri , verum maculis minutissimis albis intertexti , quæ pro majori parte oculo separatim vix visibiles , multitudine tamen colorem quasi cinereum petræ imprimunt . Ex hoc marmoris genere Ægypto peculiari conficiuntur sphinges plurimæ , & mul-



multa alia illius gentis monumenta indubitata . Huic accedunt sculpturae stylus , ut modò dixi , capitis ornamenta , vultus forma , & characteres faciei pectorique exarati , nec de hac re unquam dubitavere rerum antiquarum studiosi , quibus visu hoc innotuit Idolum , pro Dea *Iside* multoties acceptum , nec dubitabunt , nisi disquisitionis , quam super hac re satis feliciter instituimus , successus , & fama homines naturaliter in his rebus incredulos in dubia præcipitet nova , & ad omne pellat subterfugium , potius quam ut veritatem , quam averfantur , amplecti cogantur .

Ignoscite , Illustres Academici , non vos , sed viros novos , penicillatè suspiciosos , & quasi insensibiles adloquor ; humanitatis est infirmitati horum hominum , qui deficiente ingenii acumine vim in hebetudine collocant , & quia nihilo mo-  
ven-

ventur , quod sensus merè materiales transgreditur ; se fortes esse opinantur , quantum fas est , indulgere . Utique si simulacrum hoc , quod triginta plus ab hinc annis Universitati Taurinensi donatum fuit a Rege Victore Amadeo , & quod antiquissimis , non recentioribus Sinensium characteribus exaratur , ementitum esse velint , ut a primis temporibus consecrata religionis monumenta omnis generis falsa esse , & conficta contendunt audacter aliqui , numquid & Obeliscos adhuc Romæ consistentes in malum aliquem finem olim fabricatos fuisse suspicabuntur ? Scepticorum incircumscripta mens nullos novit limites , nec metam . Hæc inter nos agitabantur Romæ joca ; instare nihilominus super hac re seriò fortiusque libet , non ut Obeliscorum antiquitatem evincam ; hoc aliorum sit , si res postulaverit , munus , sed  
ut

ut Obeliscos, & simulacrum hoc Taurinense vel utrinque verè antiqua, & Ægyptiaca, vel utrinque ementita esse contendam; & si huic non cedant argumento, me parum admodum, ut in aliis multis mihi jamdudum mos est, quidquid velint, vel dixerint de hac re movebit; *qui vult decipi, decipiatur*.

Nonnulli ex characteribus huic simulacro Taurinensi inscriptis inveniuntur misti signis symbolicis, & sphingibus, Obeliscis, statuis, aliisque monumentis Ægyptiorum Romæ jam consistentibus exarati. Quatuor multoties, & planè similes quinto, characteri inscriptionis Taurinensis a capite columnæ in tabula appositæ, septimo, nono, & decimo, ego & alii simul observavimus, ut non loquar de duobus symbolis *Serpentis*, & *Sagittæ*, nec de aliis tribus characteribus, qui imperfectam solummodo utrinque

que similitudinem referunt . Confu-  
lendi sunt omnes Obelisci inscripti  
Romæ , duæ sphinges villæ Burghe-  
sianæ in area domus posteriori , duæ  
Statuæ Ægyptiacæ in villa Albani ,  
& alia monumenta , ut hæc veritas  
oculis innotescat .

Quatuor vero jam invenisse præ-  
ter duo signa symbolica ex viginti  
novem solummodò characteribus ,  
quibus constat Inscriptio , si com-  
binati accipiantur , ( ut combinari  
debent aliqui ad modum , quo si-  
militer combinantur in dictionario  
Sinico ) vel ex triginta duobus sim-  
plicibus , si separatim sumantur ,  
quis expectet , si consideret ratio-  
nem , quam præ se ferunt triginta  
ad triginta forsitan mille ? Nec pau-  
ciores numero credam fuisse cha-  
racteres apud Ægyptios olim , in-  
commodum quod Alphabeti inven-  
tionem genuit , cum Sinensis lin-  
gua jam continere asseratur sexa-  
C gin-

ginta, vel septuaginta mille, numerum, ad quem pervenire dicuntur aliqui ejus gentis Doctores. Hi cum aliis forsan inveniendis, adhuc enim levi satis industria in hanc rem inquisivi, omne mihi dubium eximit de ortu, & patria tam Inscriptionis, quam simulacri Taurinensis.

Qui vero Simulacrum hoc Sinense forsitan esse volunt, illis sculpturæ stylum, si quid de his rebus noverint, ornamentorum genus, oculorum situm rectum, non obliquum, vultus denique totius characterem pensitanda, & perpendenda relinquo. Si hæc, ut fidem præstent veritati non sufficiant, noverint insuper Idolatriam apud Sinenses multis sæculis posteriorem certò esse hoc Idolo. Religio enim numinis falsi Fo, nonnisi longo post Christum natum tempore, ipsis historicis illius gentis omnibus testantibus, novem circa circiter, ni fallor,

lor , sæculis ab indis invec̃ta in chinam penetravit ; nec tale aliquod Idolum exhibet in toto imperio templum aliquod horum hominum , si fides auctoribus sit habenda , qui de hac re tractavere , & formas nobis Deorum Sinenſium exhibuere . Nimia induſtria forſitan rem tetigiffe videor , ſed palpabili quodammodo veritate mihi opus erat , & in vertiginem ſcepticiſmi , qua circumaguntur tot jam homines , *ſuos enim quiſque patitur manes* , delapſus , dum non adhuc audita reſero , omnibus viribus in remigando , ut cum mercibus evadam , contendendum eſt ; verum navigationis nondum hic finis eſto , ſi venti ſecundent proſperi .

Novus etenim mihi , & illimitatus in dies ſeſe campus aperit . Aſtronomiam antiquiſſimam , & apud Sinenſes , & apud Ægyptios novimus , exinde mihi ad hanc rem ma-

gis adhuc elucidandam exorta est firma persuasio , quod characteres Ægyptiorum antiqui , qui rebus astronomicis inservierunt , qualesque sæpe amuletis , & figillis omnis generis hic Romæ inveniuntur exarati , adhuc in usu apud Sinenses inveniri poterint . Horum usus quippe magis stabilis est , & mutationi minus subditus , cum a doctis transmittatur ad doctos , quorum accuratio major est , quam illa multitudinis , nec populo hi selecti characteres , & scientifici inserviunt integro . His confusus tres characteres Ægyptiorum antiquos rebus inservientes astronomicis , qui soli adhuc mihi in manus inciderunt , primo quasi intuitu cum R. P. Jacquier in libro Sinensi astronomico , qui in Bibliotheca Collegii Propagandæ Fidei hic Romæ servatur , inveni , quorum duo quam simillimi , alter penè similis extitere . Dum sic omni  
modo

**ÆGYPTIACA EPIST. 37**

modo res non animis solum , sed & oculis obversatur , lux majori radiorum undique concursu emanabit fortior .

Aliud mihi , in mentem incidit propositum hujus aliquanto dispar , longius extensum , magis utile , sed ad idem quasi recidens . Characteres penè innumeros quotidie hic Romæ invenio mixtos signis symbolicis , & undecim Obeliscis inscriptis jam Romæ extantibus , humanis figuris , sphingibus , leonibus , & aliis statuis exaratos . Horum monumentorum quædam publici juris sunt , alia ad nobiles simul & privatos multos pertinent, sed ad omnia sat facilis est accessus . Obeliscus maximus , qui nunc jacet prostratus , & confractus, olim vero ab Augusto erectus fuerat in Campo Martio , ut Gnomonis vices ageret horologio circumscriptus solari , omnium antiquissimus , & Sesostridis



esse creditur . Hic penè totus plurima multitudine exhibet signa symbolica , & satis paucos characteres . Alter vero Obeliscus , qui ante Lateranensem Ecclesiam erigitur , & coævus obsidioni Trojæ esse creditur a Constantino Magno est in vectus Alexandriam , ut ad Constantinopolim indè transveheretur ; post mortem vero Patris Romam ab uno ex Constantini filiis translatus est . Hic similiter symbolis abundat , paucis vero characteribus gaudet . Tertius Obeliscus minutioris multo molis , quem diligenter observavi in hortis Medicæis , penè totus symbolis exaratur , & nonnisi duos characteres exhibet , quorum unus multoties in omnibus aliis hujus gentis monumentis , quæ Romæ extant , repetitus idem est ac decimus in inscriptione Taurinensi , & magnitudinem personæ alicujus vel rei significat . Nec mirum ; hæc utique idea  
fat

fat in his rebus obvia , cum comparativa planè fit , non facile signo merè symbolico exprimitur , sed caractere indiget arbitrario . His addi poterit mensa Isiaca , quæ Taurini in Regis palatio asservatur; hæc tota quasi symbolis oppleta paucos satis benè definitos continet characteres . E contrario vero alia sunt & multa Ægypti monumenta Romæ , quæ characteribus abundant , & minori multò numero , siue proportionè signa symbolica exhibent . Hujus generis sunt duæ sphinges villæ Burghesianæ , & duæ statuæ Ægyptiacæ in villa Albani , quarum una , quæ flexis genibus sustinetur , non solum plures characteres dorso exaratos , sed ad basim duas lineas integras ex puris quasi characteribus compositas continet . Alia multa ejusdem planè generis nuperrimè monitus fama adhuc non visû mihi innotuerunt . Inter ea an-

40 DE INSCRIPTIONE

numerandus est Obeliscus , qui templo , quod *Pantheon* dicitur , adstat , quem exacto non adhuc ego ipse subjeci examini , sed non raris inscribi characteribus & paucis admodum symbolis ab aliis fide dignissimis didici .

Hinc satis facile mea opinione colligitur , quod & naturæ rei convenit , antiquiora illius gentis monumenta nullos , vel pene nullos , si cum symbolis comparentur , exhibere characteres , puris vero quasi constare signis symbolicis ; quoniam enim sensu antea quisque quam mente utitur , primum Scripturæ genus , ut & nuper apud Mexicanos invenimus , simbolicum plane erat , & picturæ quædam species . Hoc simplicitati priorum temporum sat conveniebat , hoc & intellectui humano in materiales prius & sensibiles ideas erumpenti , in quas , si animales quidam , ut ita di-

dicam , ex recentioribus auctores prævaleant , videtur senio quasi confectus velle reverti , plane tunc sufficebat : progressu vero ulterius in moralia magis , & metaphysica , lingua simul se sensim magis & magis in dies perficiente , characteres omnino necessarii erant arbitrarie assumpti , & ideo magis liberi , donec omni soluto tandem vinculo evanescere signa symbolica , & in characteres puros ad morem Sinensium , vel in Alphabetorum elementa varie ad libitum combinanda abjere , vix ullo prioris status relicto tractu , vel memoria , ad hoc planè reveniunt , quæ Clemens Alexandrinus de vario scribendi genere dicit , quod in usu olim apud Ægyptios fuit , loquens de Hieroglyphica , id est , sacra illius gentis scriptura : „ unam „ speciem utique per prima elementa *Κυριολογικῆς* , idest pro „ prie

## 42 DE INSCRIPTIONE

„ prie loquentem nominat , alte-  
 „ ram vero symbolicam , idest ,  
 „ per signa significantem asserit <sup>1</sup> .

Quid igitur prohibet , quin  
 explicationi harum omnium in-  
 scriptionum , quæ jam Romæ ex-  
 tant , quantum fas est , applicetur  
 idem Lexicon Sinicum ? hujus rei  
 qui sit expectandus successus , quæ  
 spes formanda , sat Lectori , ut mi-  
 hi videtur , ex prædictis constat .  
 Hac & Ego ipse spe deductus jam  
 satis sæliciter prælusi , experimen-  
 tumque cepi , quod votis meis fa-  
 vorabile fuit ; Ex duobus etenim  
 Obeliscis Lateranensi , & Barbe-  
 riniano , Sphingibus Villæ Burghe-  
 sianæ , Leonibus apud Thermas  
 Diocletianas , duabus statuis in a-  
 rea Capitolina , alterisque duabus  
 in

---

<sup>1</sup> Clemens Alexandrinus , *Lutetia Parisiorum*  
 apud Mattheum Guillinot pag. 555. qui plura de hac  
 re velit consulat hunc Auctorem .

in villa Albani, vel meo, vel amicorum meorum labore centum circa circiter characteres promiscue sine ullo ordine transcriptos Interpreti Sinensi examinandos tradidi. Ex his sedecim levi satis labore inventos, brevi temporis spatio retulit cum sua quemque significatione, præter illos quatuor, quos jam inveneramus, qui & Inscriptionis Taurinensis fuere, & ab omnibus fere aliis hujus gentis monumentis referri dixeram. Horum plurimi similiter multoties repetuntur ubique super eadem monumenta, & significant *Mons, decem, vetustas, aqua, homo, oculus, os, clavis, subtus, Regina &c.*

Si nullis igitur, vel paucis admodum super monumenta Egypti, quæ Romæ extant, signis symbolicis hi characteres exquirendi intertexti essent, facilis esset illorum interpretatio. Experiri itaque rem libet

## 44 DE INSCRIPTIONE

libet in omnibus Inscriptionibus hujus generis pure , vel pene pure characteristicis , quæ in Europa inveniri poterunt , quales plurimas possidet unica Civitas Roma , & alias mihi aliunde ex ipsa terra illarum natali Ægypti quærere mihi propositum est , mediante clarissimo Medico Donati , qui in illis regionibus jussu Regis Sardiniae ad illustrandam historiam naturalem , & has res peregrinatur ; non solum igitur sensum aliquando integrum ad obscurissimam inter omnes alias historiam illustrandam eruere hoc modo plane possibile est , sed & ubi plurimi abundant characteres , & in ipsa signa symbolica , quæ interveniunt , lumen hac methodo injici poterit , quod certam symboli significationem , nullo dubio interveniente , determinabit . Ad eundem modum apud nos satis frequenter evenit , ut obsoletum , vel ali-

aliter ignotum verbum pluribus aliiis in eadem phrasi bene notis intertextum lumine elucescat, & innotescat alieno. Nec temere forsam spem inanem me concepisse quis credet, si & glossarium quoddam in dies augendum, & his symbolis explicandis aptum institui posse paulatim speraverim. Utcumque res evenerit, hæc mihi pro præsentis tempore proponere sat placet, sed & exequi statutum est, quantum per tempus, & tenuem simul rem licuerit; nec sine certis impensis hæc fieri possunt, nec multum forte ob Bibliopolarum infamem venalitatem proficere licebit, qui inter opera, quæ prodire conantur, obstetricum Ægyptiacarum more antiquo mares suffocant, foeminas, & ea quæ voluptatem, corruptosque mores respirant, fovent, & nutriunt. Si quid ultra librorum titulos noverint,



46 DE INSCRIPTIONE

rint , his fabulam de vetula , & gallina , quæ aurea deponebat ova , legendam traderem ; verum surdos alloquor , nec mihi hunc apologum , quem mera fors , & felix rerum combinatio a me neutiquam prævisa , potius quam industria , aut ingenium in hac investigatione adjuvit , sed aliis , quorum virtus major est , & potentia ; & si alii doctiores , simul & valentiores ad hanc rem promovendam mecum concurrere suis viribus , & ingenio recusent , non multum exinde mihi delectamenti , quantumvis hætenus arrideat fortuna , nec Orbi literario emolumenti promittere audeo .

Cæterum consuetudo illa inscribendi genis , pectori , dorso , coxis , & tibiis statuarum characteres Ægyptiis multo familiaris fuit . Herodotus duas suis temporibus extitisse ait statuas Sesostridi erectas , quarum pectora super ab humero ad humerum

rum legebatur hæc inscriptio : *his humeris hanc mihi terram acquisivi , qua mihi in dominium cessit* <sup>1</sup> , eodem libro idem Auctor describit statuam Sethoni erectam, ex cujus ore, mento , ut opinor , inscripta hæc verba processere : *quicumque me contemplatur discat pietatem colere* . Pocockius in descriptione Ægypti loquens de Memnonis statua inscriptam dicit totam a summis coxis usque ad pedes infra variis variorum hominum ex omni gente nominibus , qui hanc statuam verba proferentem audierant , inter quæ eminet & illud Germanici : imo Romæ adhuc videre est frequentissimè Statuas Ægyptiacas , quarum dorso , aliisque corporis partibus exarantur characteres plurimi signis symbolicis intertexti . En altera satis efficax ratio , cur simulacrum hoc Taurinense

---

<sup>1</sup> Herodotus lib. II.

se ad hanc gentem pertinere censendum est, & illi sit indubitato attribuendum.

Quod attinet ad nomen *Shi-Sou-Chi*, quod ex inscriptione, de qua hic agitur, eruitur, quæ sit illo nomine persona designata, mei parum interest. Sufficit planè ad rem nomen Ægyptiacum esse, qualia, vel eadem, vel paulo dissimilia præbet illius gentis historia; ut non immer verò inter varia *Sesostridis* nomina a Marshamo ex auctoribus antiquis collecta, ne quidem illis duobus *Shishak*<sup>1</sup> ex Hebræa Biblia, & *Sochis* ex<sup>2</sup> Plinio, quæ quam proximè accedunt, si simul combinare nomina ab aliis gentibus corrupta liceat, ut inde verum eruatur, invenimus alia duo nomina duorum Ægypti Regum apud Historicos illius

---

1 <sup>1</sup>. *Reg. cap. 14. v. 25. & 2. Paralip. cap. 2. v. 2.*

2 <sup>5. 7. 9.</sup> *Lib. 36. cap. 9. 10. 11. Secundum Cod. Riccard.*

lius gentis , quæ adhuc propius huic nomini *Shi-Sou-Chi* , accedunt, *Sasouchis* utique secundi hujus regni legislatoris , & *Afouchis* . Cæterum in me non suscipio determinandum utrum nomen *Shi-Sou-Chi* huic Simulacro appositum sit illius Regis , qui statuam primitivam , sive Archetypum erexit , vel divinitatis , aut personæ , cui consecrata fuit . Utroque modo res sumi poterit , prout Inscriptionem legere , ordinatis hoc , vel illo modo lineis perpendicularibus , lectori voluntas fuerit .

Si enim nomen in ultimo loco ad morem Sinenfium recentiorum , quem sequutus sum in hac Inscriptione interpretandâ , collocemus, tunc probabiliter nomen *Shi-Sou-Chi* est illius Regis , qui Archetypum erexit , & consecravit ; si verò ordinem litterarum perpendicularium alium quis esse velit , & incipere a

dextro serie semper continuata usque ad latus sinistrum Simulacri procedendo, tunc nomen *Shi-Sou-Chi* illius personæ poterit esse, cui erecta est Statua primitiva: Sensus quippe tunc erit, *Shi-Sou-Chi presentis tempore tanquam Dea veneratur, quæ nimis aut valde pulchra prius erat; persona magna hæc est; figura ejus &c.* de hac re judicent rerum antiquarum, & historicarum periti.

Vicem personæ characteri nono apposui; novi benè quod Actoribus Theatricis sensu maximè stricto solummodo conveniat, quamvis & sensu hic reddito a Cicerone, ni fallor, usurpetur; attamen characteris Ægyptiaci significationem veram reddendo melior videbatur, & aptior quam alia quævis: litteralem, & maximè simplicem interpretationem volui, quæ Inscriptioni antiquæ magis conveniebat, de sensu plus-

**ÆGYPTIACA EPIST.** 51  
plusquam de sermonis latini stylo  
solicitus; Sed de hac re viderint  
Grammatici.

Cæterum ut uno intuitu, quæ  
sparsim dixi, jam recolligam, &  
veritates inde enatas Lectori indi-  
cem, simul & subsidia, quæ ad par-  
tem historię antiquæ elucidandam,  
illam Ægypti, quæ obscurissima  
est, ex hac investigatione derivari  
poterint; non exindè directè colli-  
gere licebit primos Sinenses Colo-  
nia facta, ut olim sæpè fiebat, ex  
Ægypto manasse, quamvis, & hoc  
sibi facilè persuadere quis poterit,  
qui omissa omnia alia consideratio-  
ne multitudinem incolarum illius  
regionis immensam ab omnibus pe-  
nè historicis notatam, simul & O-  
ceanum per mare rubrum Orientem  
versus apertum consideraverit cum  
extenso, quod olim exercuerunt  
Ægyptii, commercio; nec exindè  
ullatenus consequitur Ægyptios, &

Sinas eadem lingua usos fuisse ; potest enim fieri , ut regiones illæ Orientales jam a barbaris indigenis , prout historici Sinenses narrant, antè excultos mores , vel ut melius dicam , ante visos Ægyptios occupatæ fuerint , qui non linguam , quam ante possederant , & quæ barbariem sat adhuc redolet ex monosyllabis dissonis penè tota compacta , sed solum scripturæ genus hoc characteristicum , & ex natura sua universale , artes , scientias , mores, sive virtutes morales, & gubernandi vim didicere . Linguam autem primitivam , & barbaram vel puram , vel saltem parum immutatam , & politam Ægyptiorum consuetudine retinere poterant , & solum hoc sibi ab ipsis derivare , & adoptare scribendi genus , ratione habita non ad linguam Ægyptiacam , sed unicè ad ideas his characteribus expressas , quos & sermonis sui nativi ,

vi, imo etiam & linguæ suæ syllabis separatim sumptis eodem tempore applicaverunt. Hoc evenit modo, quod & scripturæ generi planè convenit, ut nationum omnium finitimarum Sinensibus, sive in Continenti degant, sive Insulas propè sitas occupent, unaquæque characteribus utatur Sinensibus, & faciliè libros horum hominum, sed nativo sermone perlegant, quamvis lingua Sinensis sit illis planè ignota. Qui characteres numericos omnibus communes Europeis, quos unaquæque gens sermone suo nativo perlegit, considerat, hoc quod modo dixi de Sinensium characteribus faciliè intelliget; una mihi ratio fat fortis modo occurrit, ut diversam fuisse Sinarum, & Ægyptiorum linguam existimem, quod Sinenses litteras B.D.R.X.Z., quarum aliquæ, si non omnes, Ægyptiis familiares erant, non admittant, nequidem pronunciare valeant. Nec



Nec contra hanc opinionem ,  
 quam fat probabilem existimo, quid-  
 quam facit, quod tres ultimi cha-  
 racteres inscriptionis Taurinensis ad  
 morem Sinensium pronunciati no-  
 men planè Ægyptiacum reddant,  
 vel quod ad idem recidit, eundem  
 sonum utrisque gentibus commu-  
 nem. Omnis enim lingua in mono-  
 syllabas, quæ prima sunt illius quasi  
 elementa, redacta, eosdem propè  
 continet sonos, qui eisdem expri-  
 muntur, vel exprimi possunt cha-  
 racteribus etiam apud nos, paucis  
 solummodo exceptis, qui unicui-  
 que genti peculiare sunt. Non mi-  
 rum igitur tres simplices caracte-  
 res eundem propè sonum reddere,  
 cum nomen proprium exprimant,  
 & cum idem omnibus Europæ lin-  
 guis quantumeunque diversis acci-  
 dat, quando de propriis nominibus  
 agitur; hoc enim nullo modo im-  
 pedit, quin lingua Sinensium alia  
 pror-

prorsus fuerit ab illa Ægyptiorum, præsertim si hi characteres lingua Sinensi, nullum planè sensum reddant, quippe cum ut sensum aliquem reddant etiam in hac lingua, quæ monosyllabis penè tota constat, eorum non minus, quam aliorum omnium characterum apud hanc gentem usitatorum sensus, & significatio non solum dependeat ab accentu, quo variato, variatur sensus, sed & a combinatione cum aliis vel præcedentibus, vel subsequenter, quæ eidem monosyllabæ sensum planè diversum imprimere, vel omni omnino sensu privare poterit. Hinc eidem characteri eundem quasi sonum, sive syllabam ab utraque gente attribui planè possibile est, absque eo quod lingua unius sit illa alterius; imò & in hac lingua Sinensium notatione insuper dignum est paucas numero monosyllabas multiplicatis ultra modum, numerum-

que sensu , & characteribus , sine fine combinatione & accentu variari . His considerationibus addi poterit, quod linguæ primitivæ, quamvis diversæ , minus tamen ab origine communi remotæ simpliciores fuerint quam linguæ recentiores , & magis sibi invicem similes .

Jam vero Scriptura hac characteristica , & per consequentiam omnino directam artibus similiter & scientiis , quæ posteriores utique a scribendi arte dependent , ab una gente ad alteram derivatis , quid exinde directè inferri poterit facile quis vel minime oculatus percipiet . Jamdudum Ægyptios primos inter omnes homines artium , & scientiarum inventores dixere veteres , nec difficili labore omnis , quæ ad Europam simul , & Asiæ magnam partem scientia , & rerum cognitio manavit , ad hoc centrum redigi poterit ; agitur vero hic de  
re-

regione maxime diffita , cujus nulla , vel pene nulla apud veteres cognitio fuit , & quæritur quis cui Ægyptius , vel Sinenfis facem in his rebus prætulit , cum vinculo olim arctiffimo simul uniti hac investigatione compareant . Ab hoc scripturæ genere , quæ symbolica simul , & characteristica fuit , sensimque a symbolis ad characteres processit , cujus usus , & inventio enatas artes , & scientias , non minus quam gentis historiam præcedat necesse est , lis plane determinanda est , & solvendæ sunt tabulæ . Ut igitur ad simplicitatem suam , quam in origine habuit , redigatur hoc inventum , memoria semper retinendum est signa symbolica , quæ nuperrime apud Mexicanos , invenimus , qui pictura pura ad ideas suas exprimendas utebantur , additos postea & multiplicatos characteres præcessisse , & hoc satis innuunt  
ob-

observationes jam a me Romæ factæ, ubi Obelisci, quo antiquiores eo pauciores exhibent characteres, & eo pluribus abundant symbolis. Hic status igitur litterarum primus esto, vel quasi primus; jamvero facili consequentia hinc erui poterit Sinas ab Ægyptiis primas litteras, seu potius characteres didicisse, tum solum, & non antea, cum hæc ars quodammodo perfecta fuisset, multiplicatis characteribus arbitrariis, ablegatis vero symbolis; cum enim maxima signorum symbolicorum abundantia, quorum olim fuit usus apud Ægyptios familiarissimus, adhuc super eorum monumenta appareat, & nulla pene, vel rara admodum horum vestigia etiam in pervetustis Sinarum codicibus, vel aliis quibusve monumentis illius Imperii inveniantur, neque horum symbolorum, vel minimam habeant ideam

Si-

Sinenſes recentiones , Ægyptios primos fuiſſe artium , & ſcientiarum inventores , Sinaſque longe præceſſiſſe ſatis conſtat. Uno verbo, harum duarum Gentium unam ab altera litteras derivafſe investigatione hac plane demonſtratur ; Sinarum verò ſcientia ſecundo ſolum litterarum ſtatui coæva eſt , & primi ſtatus nulla vel pauca admodum retinet veſtigia ; conſequentiam vel nullus non videt , & de hac re plura dicere ſupervacaneum eſſet , ſi cum incredulis mihi res non eſſet .

Rurſus ſi Sinarum gens colonia ab Ægypto facta manafſet, vel artibus, & ſcientiis inveniendis, & ſtabiliendis Ægyptios præceſſiſſet, Pyramides, Obeliſcos , ſtatuas colofſales , & alia hujus generis vaſta monumenta ſignis ſymbolicis exarata apud eos invenifſemus . Humanæ naturæ , artiumque ſtatui infantili ſat hujus generis conveniunt , quibus ſtupeſcunt homines

ru-

rudes , opera , ut pueri magis delectantur monstrosis fabulis , quam simplici veritate , quantumvis com-  
pte fuerit , & eleganter represen-  
tata ; quid autem , vel cujus rei  
memoriam apud Sinas invenimus ,  
quæ antiquitatis ab ipsis sibi vindica-  
tæ nobis fidem facit ? nihili prorsus ,  
nisi quod ab Ægypto jam florenti fa-  
cile satis una cum mercibus inferri  
poterat , multarum rerum minutio-  
rum formas , & modulos , ornamen-  
ta , quibus puerilia multa ex suo sen-  
su deprompta addidere , Architectu-  
ræ satis modicæ accomodata , om-  
nis generis instrumenta , artes , scien-  
tias , quales tunc olim extitere , im-  
perii , populosque gubernandi ratio-  
nem , scripturæ normam , etiam &  
historiam Ægyptiacam , quam suæ  
præviam , quâ in altiora protrahere-  
tur tempora , intexuisse satis evi-  
denter probavere Academici jam  
memorati ; nihil autem quod non-  
nisi

ÆGYPTIACA EPIST. 61

nisi Ægyptum ipsam visitando visu locali innotescere potuerat , non idolatriam , non sculpturæ artem ad meliorem Ægyptiorum normam , non musicam nisi rudem satis , & nautis convenientem , non sepulchræ ritum Ægypto peculiari quadam superstitione sacrum ; uno verbo mores nullos civiles , quæ cæremoniis exterioribus exprimuntur , vel penè nullos , sed eos solum , qui ad culturam animi , virtutesque morales pertinent , inter quas apud Sinas maximè eminet erga Parentum mortuorum memoriam reverentia , adoptato spiritu super hac re Ægyptiorum , non ritibus externis , quos nunquam viderant , & quorum nulla sunt apud Sinas vestigia : neque si navigatione longa , & appulsu ad oras maritimas longe distitas res , ut satis probabile est , effecta fuerit , ullus sane , qui has duas gentes noverit , Ægyptios



precios a Sinis excultos dixerit , si peritiam , & audaciam veterum Ægyptiorum comparaverit cum timiditate , desidia , & imperitia in rebus nauticis , quæ usque ad hodiernum diem Sinis dominantur , quod & nautis Europeis satis notum est .

Quid autem ante cognitam scripturam de historia Sinensium plane fabulosa hoc intuitu fit , illa utique , quæ diluvium longe antecedere a quibusdam , qui *veteres avias nobis* , ut ajunt , *de pulmone revelant* , piè creditur , vel quæ sit illis fides habenda doctis simul , & indoctis judicandum relinquo . Ad Ægyptum igitur redit lis contra Scripturæ Sacræ chronologiam , & veracitatem suscitata . Causa super hac re finita est , & inter Sinas sibi refugium quærere mera jamdudum adversarios desperatio pepulit; quid enim ex monstrosis Ægyptiorum fabulis , & tot commentitiis dynastiis

ÆGYPTIACA EPIST. 63

stis eruere vis humana potuerit satis jam experientia innotuit, & qui spe inani delusi jam has res in hunc malum finem scrutinio subjecere acus leve contra triticum apparenti mole deceptos se ponderasse experti sunt. Et tamen hi, quos altera generatione jam elapsa sibi contrarios in hac re habebat religio, majori robore virtuteque pollebant, quam decem sciolorum unita vis, qui nunc solutos captant inter convivia risus, quales degener hoc parturit sæculum, dicteris ab ore ad os transeuntibus leviter, non, ut olim, scientia firmiter armatos. His irritis adversariorum conatibus, qui satis rem per se probant, accedit argumentum ex physica desumptum satis palpabile, ut mihi videtur & demonstrativum. Tempore Myris Ægypti Regis sufficiebat altitudo quindecim cubitorum, ut inundaretur a Nilo Ægyptus,

#### 64 DE INSCRIPTIONE

ptus, nunc ob elevatam terræ superficie annuis a superioribus locis abreptis, & depositis ex aqua sedimentis, vigintiquatuor, vel vigintiquinque cubiti necessarii prorsus sunt ad inundationem præsentem, ut ex Auctore recentiori nuper collegi: Ergo vel olim, si in tempora, & tot annorum millia, quæ Scripturæ Sacræ chronologiam anteunt, evehamus oculos, Ægyptus aqua maris penitus oppleta, & immersa non extitit, vel præsentī ætate ab Ægypto excluderetur Nilus, & inundationes annuæ jamdudum Soli elevatione impeditæ, & restrictæ cessassent. Hæc cum ita sint spes mihi non parva incidit, quod & pretium mei qualiscumque in hac re laboris ut sit quam maximè volo, tot imperitos simul & imprudentes Viros, Philosophos sanè non dicam, qui vitæ tam brevis, quæ nobis hic obtingit, finem & pretium planè ignoran-

ÆGYPTIACA EPIST. 65

rantes Mundo perenni, ut olim Romani in hac re satis hebetes *Roma Aeterna*, libationes fundunt, ad rationem sanam denique, & ad mores integros reversuros. Utcumque sit, causa sub oculis posita, & quasi domi rursus, ex quo in Ægypteum redierit, a regionibus, ubi exulaverat, tam dissitis reportata, non ultra fabulis ab extremo terræ petitis simplices, & imperitos deludere ulli hominum, cujusvis sit in re literaria famæ, nominis, aut virtutis vel potentissimo licebit. Hæc sunt, illustres Academici, quæ in præsens tempus vobis communicanda sumpsi, interim investigationem hanc exitu sat sælici hætenus donatam, ulterius quantum progredi per tenuem mihi vim fas erit, promovere, & perficere instituens. Consiliis vestris, & approbatione munitus multa sibi promittere poterit, vel in his rebus peritissimus,

E

præ-

66 DE INSCRIPTIONE  
præsertim vero, qui his auxiliis,  
quam maximè indiget, ut alia plu-  
rima Ægypti monumeuta assequi si-  
militer interpretatione data, pos-  
sit, & Chaldaicarum forsan inde  
litterarum, quarum jam nonnullas  
super Obeliscos animadvertit, de-  
rivationem evincat.

Datum Romæ septimo Idus Se-  
ptembris anno 1761.

*Humill<sup>ss</sup>. & Addictiss. Servus*  
TURBERVIELUS NEEDHAM  
ex Societate Regia Londinensi.

## EXTRAIT

*D'une lettre de Monsieur Dutens chargé des affaires ~~général~~ de sa Majesté Britannique à la Cour de Turin en réponse à celle, que l'Auteur lui avoit adressé pour le prier de faire certaines recherches sur l'origine du Buste, dit d'Isis, à la cour de Turin.*

**J** Ai reçu votre lettre du 29 d'août, & j'ai été charmé d'apprendre la suite du succès de vos recherches sur les caractères du buste d'Isis. Je l'ai communiquée<sup>a</sup> tous vos amis... tous se rejoignent sincèrement de la découverte.... j'ai été hier chez S. A. R. Le Duc de Savoye; vous ne pouvez vous imaginer

avec quelle bonté ce Prince a  
 reçu cette marque de vôtre at-  
 tention , il m' a bien chargé de  
 vous remercier , de vous dire ,  
 qu' il étoit bien aise , que vous  
 lui eussiez fait part de vôtre suc-  
 cès , & qu' il auroit beaucoup de  
 plaisir à voir votre Dissertation  
 ..... il m' a informé , que le  
 buste d' Isis en question avoit  
 été apporté de Rome à Venise  
 du tems des Gots avec la Table  
 Isiaque, que vous connoitrés ; de  
~~Venise il avoit passé à Mantoue~~  
 dans la Maison de Gonzague ,  
 de qui la Maison de Savoye  
 l'avoit eue , ainsi que toutes les  
 autres antiquités Egyptiennes ,  
 qui sont à l' Université ; en fin  
 voyez ce que Montfaucon dit  
 de

69

de la Table Ifiaque , le buste  
d'Isis à suivi le meme sort . C'est  
aussi ce que le Roi en a dit au  
Marquis de Fleury , que j' avois  
prié d'en entretenir sa Majesté....

A Turin 9. de Sept. 1761.

F I N.

---

*Pag. 34. ad finem sic corrige*

Religio enim numinis falsi Foe ,  
nonnisi post Christum natum, ipsis  
historicis illius gentis omnibus te-  
stantibus , sexaginta quinque annis  
ab Indis invecta in Chinam pene-  
travit .



## · A P P R O B A T I O ·

**J** Ussu Rm̃i P. Ricchini Or. Præd.  
S. P. A. Magistri, legi Opuscu-  
lum cui titulus : *De Inscriptione qua-*  
*dam Egyptiaca Taurini inventa &c.*  
in quo cum nihil deprehenderim,  
quod Orthodoxæ Fidei, aut bonis  
moribus adversetur ; contra verò  
multa in eo esse animadverterim,  
quæ ad Antiquitatis cognitionem  
& literariæ Reip. commodum va-  
lere plurimum possint ; censeo in  
lucem edi posse. . Romæ ex Colleg.  
Romano 17. Septembris anno 1761.

*Contuccius Contucci Soc. Jesu .*

**IMPRIMATUR,**

**Si videbitur Reverendissimo Pat. Mag.  
Sac. Pal. Apost.**

*D. Archiep. Nicomed. Vicefg.*

---

**IMPRIMATUR,**

**Fr. Thomas Augustinus Ricchini Mag.  
Sac. Pal. Apost. Ord. Præd.**

